

Javni poziv za prijave za učešće na obuci izrade poslovnih planova

Asocijacija za ekonomski razvoj REDAH Mostar potpisala je ugovor sa projektom EU4Agri, na osnovu kojeg planira provesti obuku za pisanje poslovnih planova. Realizacija programa obuke u pripremi poslovnih planova će se obaviti u sklopu „Podrška Evropske unije konkurentnosti poljoprivrede i ruralnom razvoju u Bosni i Hercegovini“ (EU4AGRI), u svrhu ostvarivanja općeg cilja da se **ojačaju konsultantske usluge** u BiH čime bi se osigurala **šira dostupnost** ovih usluga krajnjim korisnicima za prijavu i financiranje putem javnih poziva, te **podigla kvaliteta konzultantskih usluga u pripremi, pisanju i implementaciji poslovnih planova**.

Realizacijom ove obuke REDAH će doprinijeti ostvarivanju sljedećih specifičnih ciljeva EU4AGRI projekta:

- Razvoj kapaciteta privatnih pružalaca usluga u oblasti poslovnog planiranja i konsaltinga,
- Razvoj tržišta konzultantskih usluga u BiH,
- Unapređenje pristupa i poticanje saradnje proizvođača i prerađivača prehrambenih proizvoda sa pružiocima usluga poslovnog planiranja,

S tim u vezi kroz projekt „STVARANJE TIMOVA KONSULTANATA U HERCEGOVINI“ planirano je **održavanje obuke za osobe koje namjeravaju da steknu znanje o poslovnom planiranju i pripremi poslovnih planova u sektoru poljoprivrede i prerade poljoprivrednih proizvoda**. Inovativnost u pristupu je da će se formirati timovi za pisanje poslovnog plana sačinjeni **od dva člana**, od kojih jedan biti ekonomske ili agroekonomske struke, a drugi agronom ili slične struke.

Program edukacije je zamišljen da se organizira u 10 jednodnevnih radionica ili 60 sati obuke. **Okvirni period održavanja obuke od juna do oktobra 2023. godine**. Tačni termini obuke će biti naknadno definisani. Obuka će obuhvatiti sljedeća područja:

- EU4AGRI javni pozivi i prateća dokumentacija
- Poslovne financije
- Poslovno planiranje – Poslovni plan (ne finansijski aspekti)
- Poslovno planiranje – Poslovni plan (finansijski aspekti)
- Poslovni plan – Kontrola i evaluacija

Prihvatljivi podnosioci prijava

U ovom kontekstu pozivamo sve zainteresovane kandidate (fizička lica), koji ispunjavaju zahtjeve ovog javnog poziva, da podnesu prijavu za učešće na obuci. Obuka i prateći materijali su besplatni i odabrani polaznici nisu obavezni platiti kotizacije. Broj mjesta za polaznike za obuke je ograničen.

Za učešće na treningu zainteresovani kandidati trebaju ispunjavati sljedeće uslove:

1. Pravo na učešće u programu obuke imaju državljani BiH
2. Minimalno VI stepen obrazovanja – prednost se daje kandidatima koji imaju završene sljedeće fakultete: poljoprivredni, prehrambeni, veterinarski, ekonomski, i sl.;
3. Odlično poznavanje rada na računaru - poznavanje MS Office aplikacija posebno Excel i Word;
4. Spremnost i opredjeljenost za pohađanje obuke – minimalno 70%, kako bi imali pravo na sticanje Certifikata o uspješno završenoj obuci
5. Prednost prilikom prijavljivanja će imati nezaposlene osobe koje su evidentirane u Službama

Prijaviti se mogu pojedinačni aplikanti, ali i timovi koji se sastoje od jednog kandidata poljoprivredne struke i jednog kandidata ekonomske struke. Nakon administrativne provjere prijava, REDAH će sačiniti užu listu

kandidata koji će biti testirani o znanju iz poljoprivrede/ekonomije, nakon čega će se formirati finalna lista polaznika obuke.

REDAH zadržava pravo da na osnovu znanja i iskustva kandidata, pojedinačne polaznike upari tako da se dobiju parovi sastavljeni od kandidata poljoprivredne i ekonomske struke, koji će prisustvovati obuci.

Prijava treba da sadrži sljedeće dokumente, do kojih su prva 4 obavezna:

1. Pismo namjere (pojedinačno ili timsko) u kojem ćete navesti da se obavezujete pohađati obuku i koje uključuje osnovne informacije o dosadašnjem iskustvu u pripremi sličnih prijava, uključujući izradu poslovnih planova i motivima učešća u ovoj obuci
2. Kopija diplome,
3. Kopija lične karte
4. Ažurirana biografija (CV),
5. Kopije certifikata o završenom neformalnom obrazovanju (MS office, poslovno planiranje, PCM)- ukoliko postoji,
6. Dokaz– potvrda o statusu nezaposlenosti na evidencijama službi za zapošljavanje (ako je primjenjivo)

Kriteriji za ocjenjivanje zaprimljenih prijava

Podnesene prijave će provjeravati i ocjenjivati Komisija sastavljena od imenovanih predstavnika REDAH-a.

Sve dostavljene prijave će se ocjenjivati u skladu sa ispod propisanim kriterijima.

Prijava treba da sadrži sljedeće dokumente, do kojih su prva 4 obavezna i spadaju u opće kriterije:

1. Pismo namjere (pojedinačno ili timsko) u kojem ćete navesti da se obavezujete pohađati obuku i koje uključuje osnovne informacije o dosadašnjem radnom iskustvu, uključujući izradu poslovnih planova i projekata i motivima učešća u ovoj obuci
2. Kopija diplome,
3. Kopija lične karte
4. Ažurirana biografija (CV), uključujući i kontakt podatke referenci(ako je primjenjivo)
5. Kopije certifikata o završenom neformalnom obrazovanju (MS office, poslovno planiranje, PCM)- ukoliko postoji,
6. Dokaz– potvrda o statusu nezaposlenosti na evidencijama službi za zapošljavanje (ako je primjenjivo)

Za učešće na treningu, kandidati će biti bodovani na osnovu općih kriterija u tabeli ispod:

Opći kriteriji za bodovanje prijava	Broj bodova	Maksimalan broj bodova	Verifikacija
Status zaposlenja: <ul style="list-style-type: none"> • Nezaposlen/a • Zaposlen/a 	10 5	10	Potvrda iz Službe za nezaposlene
Oblast obrazovanja: <ul style="list-style-type: none"> • Poljoprivreda proizvodnja, prehrambena industrija, agroekonomija, ekonomija, veterina. • Ostalo 	20 5	20	Kopija diplome
Stepen obrazovanja: <ul style="list-style-type: none"> • VI stepen • VII i više stepen 	5 20	20	Kopija diplome

Pol:			Osobna karta
<ul style="list-style-type: none"> • Ženski • Muški 	10 5	10	
Starosna dob:			Osobna karta
<ul style="list-style-type: none"> • Do 30 godina • Više od 30 godina 	10 5	10	
Relevantno radno iskustvo u sektoru (poljoprivreda, ekonomija), savjetodavnom radu, pripremi poslovnih planova i projekata:			Biografija (CV) , sa listom referenci (ako je primjenjivo)
<ul style="list-style-type: none"> • Bez iskustva • Do 3 godine • Vise od 3 godine 	0 5 10	10	
Ukupni broj bodova		80	

Asocijacija za ekonomski razvoj REDAH će sastaviti rang listu na osnovu osvojenih bodova i te će svi kandidati će biti pozvani da urade test provjere znanja iz oblasti poljoprivrede ili ekonomije. Test će sadržavati 4 zadatka/pitanja koje će kandidati dobiti putem e-maila. Svaki zadatak nosi po 10 bodova. Ukoliko kandidat (ili tim) osvoji manje od 50% bodova isključuje se iz daljnje evaluacije. Finalna lista timova će se sačiniti na osnovu ukupnog zbroja bodova općih kriterija i testa provjere znanja.

Finalnu listu odabranih polaznika Redah će objaviti putem web stranice <https://redah.ba/> . Sva lica koja su dostavila svoje prijave na ovaj javni poziv će biti obavješteni putem emaila o ishodu javnog poziva.

Način prijavljivanja

Sve prijave, uključujući i prateću dokumentaciju se podnose elektronskim putem e-maila info@redah.ba , sa navedenim naslovom: **Prijava za REDAH za obuku za pisanje poslovnih planova** ili upetem Google obrasca koji mozete naci na sljedećem linku <https://docs.google.com/forms/d/1jWPs9Uh16vtGmB-zhDi737IZodHYbozQDq4usVJcjB4/edit>

Krajnji rok za podnošenje prijava je **30.04.2023. godine do 16:00 sati**. Nepotpune prijave i prijave koje pristignu nakon navedenog roka neće biti uzete u razmatranje.

Projekat „Podrška Evropske unije konkurentnosti poljoprivrede i ruralnom razvoju u Bosni i Hercegovini“ (EU4AGRI) je četverogodišnji projekat (2020-2024.) koji ima za cilj da modernizira poljoprivredno-prehrambeni sektor i poboljša ruralnu ekonomiju povećavajući konkurentnost poljoprivredne proizvodnje, poslova i usluga. Projekat provode Razvojni program Ujedinjenih nacija (UNDP) u Bosni i Hercegovini (BiH) i Češka razvojna agencija (CzDA). Ukupna vrijednost projekta iznosi 20,25 miliona eura i finansira ga Evropska unija sa 20 miliona eura, a UNDP i CzDA sa 250.000 eura.

U slučaju potrebe za dodatnim informacijama u toku trajanja poziva možete se obratiti na e-mail adresu info@redah.ba .